

यदे॒वास्यै॒षात्म॒नस्तद॒स्मिन्नेतत्प्रति॒दधाति॒ तस्मादे॒तामत्रो॒पदधाति॒ ॥ ४ ॥ तां वै प्र॒-
 ज्ञा॒पति॒नो॒पदधाति॒ । प्र॒ज्ञा॒पति॒र्ह्ये॒वैतत्स्वय॒मात्म॒नः प्रत्य॒धत्त ध्रु॒वासी॒ति स्थि॒रासी॒-
 त्येतद॒यो प्रति॒ष्ठितासी॒ति धरु॒णेति॒ प्रति॒ष्ठा वै धरु॒णमा॒स्तृता विश्व॒कर्म॒णेति॒ प्रज्ञा॒-
 पति॒र्वै विश्व॒कर्मा तेना॒स्तृतासी॒त्येतन्मा॒ त्वा समु॒द्र उ॒द्वधीन्मा॒ सुपर्ण॑ इति रु॒क्मो
 वै समु॒द्रः पुरु॒षः सुपर्ण॑स्तौ॒ त्वा मो॒द्वधि॒ष्ठामि॒त्येतद्व्यथ॒माना पृथि॒वीं दृ॒ढहेति॒ य-
 थैव॒ यजु॒स्तथा ब॒न्धुः ॥ ५ ॥ प्र॒ज्ञा॒पति॒ष्ट्वा सा॒दय॒विति॒ । प्र॒ज्ञा॒पति॒र्ह्ये॒तां प्रथ॒मां चि॒-
 ति॒मप॒श्यद॒पां पृ॒ष्ठे समु॒द्रस्ये॒मन्नि॒त्यपा॒७ ह्ये॒यं पृ॒ष्ठ७ समु॒द्रस्य॒ ह्ये॒यमे॒म व्य॒चस्व॒तीं
 प्रथ॒स्वतीमि॒ति व्य॒चस्व॒ती च॒ ह्ये॒यं प्रथ॒स्वती च॒ प्रथ॒स्व पृथि॒व्यसी॒ति प्रथ॒स्व पृ॒-
 थि॒वी चासी॒त्येतत् ॥ ६ ॥ भू॒रसी॒ति । भू॒र्ह्ये॒यं भू॒मिरसी॒ति भू॒मिर्ह्ये॒यमदि॒तिरसी॒तीयं
 वा॒ऽअदि॒तिरि॒य॒७ ह्ये॒द॒७ स॒र्वं द॒दते॒ विश्व॒धाया इ॒त्यस्या॒७ ह्ये॒द॒७ स॒र्व॒७ ह्नि॒तं वि॒-
 श्वस्य॒ भुवन॒स्य ध॒र्त्रीति॒ स॒र्वस्य॒ भुवन॒स्य ध॒र्त्रीत्ये॒तत्पृथि॒वीं य॒ह पृथि॒वीं दृ॒ढ
 पृथि॒वीं मा॒ ह्नि॒सीरि॒त्यात्मा॒नं य॒हात्मा॒नं दृ॒ढात्मा॒नं मा॒ ह्नि॒सीरि॒त्येतत् ॥ ७ ॥
 वि॒श्वस्मै॒ प्राणा॒यापा॒नाय॒ । व्या॒नायो॒दाना॒येति॒ प्रा॒णो वै स्वय॒मातृ॒ष्णा स॒र्वस्मा॒ऽउ
 वा॒ऽएत॒स्मै प्रा॒णः प्रति॒ष्ठायै॒ चरि॒त्रायै॒तीमे॒ वै लो॒काः स्वय॒मातृ॒ष्णा इ॒म॒ऽउ लो॒-
 काः प्रति॒ष्ठा चरि॒त्रमग्नि॒ष्ट्वाभि॒पाव॒ित्यग्नि॒ष्ट्वाभि॒गोपा॒यव॒ित्ये॒तन्म॒ह्या स्व॒स्त्येति॒ म॒-
 ह्या स्व॒स्त्ये॒त्ये॒तच्छ॒र्दिषा॒ श॒न्तमे॒नेति॒ यच्छ॒र्दिः श॒न्तमं॒ तेने॒त्ये॒तत्सा॒दयि॒त्वा सू॒दो॒-
 रु॒साधि॒वद॒ति तस्यो॒क्तो ब॒न्धुर॒थ सा॒म गा॒यति॒ तस्यो॒परि॒ ब॒न्धुः ॥ ८ ॥ तदा॒हुः ।
 कथ॒मेष॒ पुरु॒षः स्वय॒मातृ॒ष्णयान॒भिनि॒हितो भव॒तीत्य॒न्नं वै स्वय॒मातृ॒ष्णा प्रा॒णः स्व॒-
 यमा॒तृष्णा॒नभि॒नि॒हितो वै पुरु॒षो॒ऽन्नेन॒ च प्रा॒णेन॒ च ॥ ९ ॥ अथ॒ दूर्वे॒ष्टका॒मुप॒दधा॒-
 ति॒ । प॒शवो॒ वै दूर्वे॒ष्टका॒ प॒शूने॒वैतदु॒पदधा॒ति तद्यै॒रु॒दो॒ऽग्नि॒र॒न॒न्तर्हि॒तैः प॒शुभि॒रु॒-
 पै॒त्त॒ऽएते॒ तानि॒वैतदु॒पदधा॒ति ता॒म॒न॒न्तर्हि॒ता॒७ स्वय॒मातृ॒ष्णाया॒ उप॒दधा॒तीयं॒ वै स्व॒-
 यमा॒तृष्णा॒न॒न्तर्हि॒तांस्त॒दस्यै॒ प॒शून् द॒धात्यु॒त्तरा॒मुत्तरांस्त॒दस्यै॒ प॒शून् द॒धाति ॥ १० ॥ यदे॒व